

Шогшо эл, порымлык да гим верг!



Будь готов/ ЯМДЕ ЛИЙ

1933 ий 1 февраль годсек лектеш.

0+

Велосипед



Фотом еш архив тыч налме.

Кондрачыш

кудалын

«Ямде лий» газет подписчик-влак коклаште кажне пелийлан лотерей модышым эртарат. Йоча-влак ватрушкым (тюбинг), скейтбордым да молымат модын налыныт. Тений тўн пўлекна, велосипед, Шернур район Кондрач ялыш Кукнур школын 6-шо классшым тунем пытарыше Полина АЛМАМЕТОВА (снимкыште) дек кудал кайыш. «Велосипед модалтмылан моткоч куаненам. Вес велосипедем ынде «кана». Кудалышташ кок ий ончыч тунемынам. Ялысе клубын эртарыме танасымаштыжат сенгышыш лектынам. «Ямде лийын» велосипедше мыланем моткоч шерге. Йолташем-влакат кудалышташ йодыт», – ойла ўдыр.

Велосипед Кондрачыш корным кузе муын? Тудо квитанцийын толмо корнымым шарнен кодын. Йоча, ача-ава-влак, теат «Ямде лий» газетлан подпискым ыштыза да квитанцийжым але копияжым редакцийышке колтыза. Ала 2020 ийын кокымшо пелийжылан ямдылыме тўн пўлекна, **электроконга**, тендан суртыштыда озаланаш тўналеш?!

Лудса:

Кужнер район
Тошто Йўледўр ял гыч
марий шўлышан
Андреевмыт еш
нерген лудса. **3**

Озан олесе
Рушарня школышто
марий пўлкан туныкты-
шыжо А.Токташова йоча-
влакым марий тўрым
тўрлаш туныкта. **4**

Йоча-влак кенез
каникулыштым кузе
эртарат? Лаштыкнам
шергалза. **5**

Киберлўдыкшў
деч йочам кузе аралыме
нерген Морко район
Коркатово лицейыште
информатикым туныкты-
шо А.В.Анисимов
умылтара. **6**

ПОДПИСКЕ

«Ямде лий»
газетлан кажне
тылзын 15 числа марте
почто отделенийыште
возалташ лиеш.

**Ак – 346 теҥгеат
62 ыр.**

Электрон **ПОДПИС-
КЫМ** ыштен керты-
да. 89027382237 номе-
рышке 150 теҥгем
пыштыза да
yamde_lii@mail.ru адре-
сыш лўмнердам возен
колтыза.

Рекламе.

Лотерейын учредительже
– «Ший памаш» сынымут
фондым вуйлатыше, прозаик
В.В.КРАСНОВ. Тудлан кугу
таум ойлена!



У тургымышто мо вуча?

М.Шкетан лүмеш марий национальный драме театр самоизоляция жапыште йоча-влаклан могай спектакльым ямдылен? Директорын алмаштышыже **Е.А.ГРИШИНА** каласкала:

– Шукерте огыл «Короткий день» (автор С.Васин) спектакль-импровизацийым ямдылыме. Тиде самырык-влаклан пӧлеклалтше, понаш таратыше, наркотикым кучылтмо йодышым нӧлталше спектакль. Марий Элын калык артисткыже С.Строганован шындыме «А зори здесь тихие» постановкым ончыктенна. Изирак да кыдалаш класслаште тунемше-влаклан «Азбука» постановкым ямдылена. Тудым сценышке у тургымышто луктына. Конкурс-влак ятыр лийыт. Тушко йоча-влак ушнен кертыт. Тыгак школлашке лектын кошташ шонемашна уло. Пандемий эрта, илыш шке йыжынгышкыже шогалеш манын ўшанена.

– **У тургым кунам почылтеш?**

– 24 сентябрьште театр сезоным почына. Тунам режиссёр Степан Пектеевын шындыме «Йыван Кырла» спектакльым ончаш ўжына. Тиде кечынак «Майатул» фестиваль тўналеш. Октябрь-ноябрьште моло премьер-влак лийыт. «Салика» спектакльым гын 900-шӧ гана ончыктена.

Е.ИВАНОВА.

Звенигово районышто 8 ияш йоча вўдыш пуренгаен. Ёдыр-рвезе-влак, тўткӧ лийза! Ача-ава-влак, икшы-выда-влакым шкетыштым вўд воктеке ида колто!

Кушто канаш?

Сылне кенезым кушто канаш лиеш? Эгер воктене, коча-кова дене, олыкышто, чодыраште але каныме лагерыште. Ме ача-авалан, коча-кова-влаклан полшена: сад-пакчаште шўкым кўрына, йырангышке вўдым шавена. Олыкышто да чодыраште тўрлӧ саскам погена. Шокшо игече годым еш дене йўштылаш коштына. Йўр йўрмӧ годым книгаг лудына.

Аня АНДРЕЕВА.

Кужэнер, Тошто Йўледўр.

Велосипедым мый «кок ораван йолташем» манам. Кенезым кажне кечын куда-лыштам. Йолташ-влак дене пырля Параньга кундемнан сӧрал пўртўсшым ончен савырнаш йӧратена. Южгунам тыгай верыш миен лектына, ончен чонет кана. Кас ўжара кажне кастене тўрлӧ тўсшӧ дене куандара, кайык мурыжым мура. Йырым-йырысе пўртўсым эскерен, тудым аклаш тунемына. Йоча-влак, теат пўртўсыштӧ утларак коштса.

Вера СЕМЁНОВА.

Параньга район.



Кок ораван йолташем

Историйым шергалына

Йўдвел сар годым (1700-1721 ийла)

1709 ийыште швед-влак Полтава олам йыр авырен налыныт. Ятыр гана олашке штурм дене керылтыныт, но руш салтак-влак да оласе калык чот аралалтыныт. Полтавадеке руш армийын тїжн вийже толын шумек, кугу кредалмаш лийын. Петр I вуйлатыме руш армий сеҥен. Тиде сеҥынам лїмеш Российыште 10 июль Воинский чап кече семын палемдалтеш.

Самырык-влак-лан «iВолга 2020» форум тений онлайн эртаралтеш. Тушко 16-35 ияш ўдыр-рвезе-влак ушнен кертыт. Тидлан 20 июль марте йодмашым пуэн шуктыман. Форум 24-28 августышто ivolgaforum.ru сайтыште лиеш.

«Город России – национальный выбор» проект кышкарыште Российысе эн сӧрал, шуко енлан палыме олам ойырат. Йошкар-Олалан город-россии.рф сайтыште йўклаш лиеш. Кызыт рўдолана – 29 верыште.

Иктешлымашым 30 декабрьште ыштат.

6-14 ияш ўдыр-рвезе-влаклан чонымо паша да отрасль специальность-влак нерген #СпросиСтроителя эн сай йодыш конкурсым увертареныт. Сеҥыше-влакым кум номинацийыште аклат: «Ойыртемалтше текстан йодыш», «Ойыртемалтше видео-йодыш», «Чонгымашын историйже нерген эн сай йодыш». Паша-влакым 1 август марте колтен шуктыман.



Кужэңер район Тошто Йүледүр ял гыч Аня ден Илья АНДРЕЕВМЫТ «Ямде лий» газетышке оңай деч оңай заметке-шамычым колташ тўнгалыч. Возенжат моштат! 21 курымышто йоча марий шўлышан кушшо да коча-коважын йылмыштым ынже мондо манын, мом ыштыман?

Ача-аваит Александр Витальевич ден Алина Валерьевна деч пален налаш шонен пыштышым.

8 июль – Еш, йоратымаш да ўшанле улмо кече.



Марий йоча йылмым арала

Ава Тошто Йүледүр клубышто тўвыра организаторлан пашам ышта. Пелашыже верысе клуб пеленак кочегарлан тыршен, тўня мучко шучко чер шарлымылан кўра кызыт сурт сомылкам ворадара.

Ешыште – кум икшыве. Кугуракше – Аня. Тений Шўдымарий школын нылымше классшым тунем пытарен. Илья нылымше классшын вончен. 7 ияш Руслан эргышт школыш каяш ямдылалтеш.

– Йоча-влак уремыште модын кошташ кумылан огытыл. Эре мемнан пелен улыт:

шўкым сомылат, йырангаш вўдым шават, пўрт кўргым эрыктат, кочкаш ямдылаш полшат. Аня ден Илья ўчашен-ўчашен, кўн шуқырак заметкыже савыкталтеш манын, «Ямде лий» газетыш возат. Сераш шке кумылын тўнгалыныт. Йылмыштым лывырташ марий книга-влак полшат. Йўратыме книгашт – Людмила Попован ямдылыме «Кечыйол модмо пагыт». Тушто Шўдымарий школышто тунемше-влакын почеламутыштым, ойлымашыштым, йомакыштым, уштодышыштым савыктыме. Кугурак йоча-влакын пашаштым ончен возаш тунемыт. Ешыште марла гына кутырена. Ялысе икшыват марла ок ойло гын, кў марий йылмым арален кода?! – ойлат ача-ава.



Фотом еш архив гыч налме.

Аня марий мурылан шўман. Районышто эртаралтше «Лач пырляште весела», «Йылдыр-йылдыр» конкурслаште кажне ийын мастарлыкшым ончыкта. «Рождественская звезда»

сымыктыш да усталык тўнямбал конкурсшто 3-шо вердене палемдалтын. Сочинений конкурслаштат чўчкыдын сенгышыш лектеш. Илья почеламутым устан лудеш. «Мый йўратем родной элемым», «Йўратем мый шочмо йылмем» школысо лудмаш конкурсшто да

моло вереат ончылно лийын. Руслан шольышт иза-акам ончен тунемеш.

– Йоча-влак кугезе-влакын йўлаштым ынышт мондо манын, марий пайрем-шамычым эреак пайремлена. Ўярня годым чылан пырля мелнам кўэштына, курык гыч мунчалтена, Ўярня кувам йўлатена. Кугечылан эрдене эрак когыльым ыштена, муным чиялатена. Шочмо кечымат тўшкан пайремлена. Еш, йўратымаш да ўшанле улмо кечым ешна дене палемдаш шонена, – ойла озавате.

Андреевмыт еш (снимкыште) гай марий шўлышан еш-влак шуқырак лийышт!

Х.АЛЕКСАНДРОВА.

Поро ковам

Ковам – Любовь Петровна. Тудлан – 67 ий. Тудо Руял школышто кандаш классшым тунем пытарен. Ковам фермыште пашам ыштен: вольыкым ончен. Кызыт – сулен налме канышыште. Сурт сомылкам ышта. Тудо пеш поро, мотор.

Карина ТИХОНИНА.

Марий Турек, Сысоево.

Коча

Ачан ачаже – коча, Мемнан толмынам вуча. Кунам тудеке толына, Мемнан сай кумылна.

Талвий АБРАМОВ.
Национальный президент
школ-интернат.

Кужэңер, Шўдымарий.

Мўкш гай авам

Авамын лўмжў – Ирина. Тудо эн поро, ласка, шыма. Ава нерген шуко калыкмут уло. Шокшын вўчкен шыматымыжлан кече дене тагастарат, пашаче улмыжлан – мўкш дене. Мыйынат авам мўкш гай кечыгут пашам ышта. Пўртым мушкеш, кочкаш шолта. Мый тудым куандараш манын, сайын тунемаш тыршем, мутшым колыштам.

Сева НИКИТИН.

Йоч тәрзатым,
мјндыр тос!

Озангыште марий тўрым тўрлат

М Терне – мўнгыштў.

Озан оласе Марий калыкле тўвыра автoномийын погынымаштыже кангашымеке, ик шoнымашке шуынна. Эн ондак мый шке тўрлў материалым кычалынам, ончeнам, книга-влакым лудынам. Вара презентацийым ончыктенам. Кажне тўрын мом ончыктымым эркын-эркын тунемаш тўналынна. Йоча-влак руш вургемым чият гынат, тушто марий тўрым ужыт. Ойлат: «Мыйын тувырыштем марий тўр уло». Икшыве-влаклан онай, – оила А.Токташова.

Алёна марий тўрым изи годсек тўрла. Тудым коваж ден аваже туныктеныт. Морко район Шенше школышто тунеммыж годым эшеат мастарын тўрлаш тўналын. Еш, школ-

лан кўра ўдырын чонышкыжо марий шўлыш эрелан шыген. Кызыт тиде кумылым изи икшыве-влаклан пўлекла.

Марий калыкын пўрымашыже – йоча-влакын кидыштышт. Оласе йоча-влаклан марла кутыраш неле. Озан оласе школлаште руш ден татар йылмылам тунемыт. Туге гынат марла кутыраш тыршат. Марий ден татар йылмылаште икгай шомак-влакым кычалыт. Тўрлымў деч посна марла кушташ, марий мурым мураш тунемыт.

Марий калыкын пўрымашыже – йоча-влакын кидыштышт. Оласе йоча-влаклан марла кутыраш неле. Озан оласе школлаште руш ден татар йылмылам тунемыт. Туге гынат марла кутыраш тыршат. Марий ден татар йылмылаште икгай шомак-влакым кычалыт. Тўрлымў деч посна марла кушташ, марий мурым мураш тунемыт.



Фотом школ архив гыч галме.

Снимкыште:
Алика АНДРЕЕВА
марий тўрым тўрла.

ХАЛЕКСАНДРОВА.

Пўртўс лонгашке

Икана классна дене пўртўс лонгашке лектынна. Йолгаш-влак дене тўрлў модыш дене модынна. Пырля кочкаш шолтенна. Тушто мый парентгым эрыкташ тунемынам. Пўртўс лонгаште моткоч весела.

Ксюша АХМАДИШИНА.

Пошкырт, Мишкан, Ардаш.

М Ашакя – уда, вийдыме.

Шерге шочмо кундемем

Мый Бижбулак район Туктай ялыште шочынам. Акам-влак дене ший вўдан памаш деке волена, кожлашке понгылан коштына, пасушко кечын шичмыжым ончаш лектына. Кызыт Мишкан селаште илена. Ме ковам дене пырля мурым мурена, туштгым туштена, почеламут-влакым шонена. Туныктышо-влак дене пырля мыйын возымо почеламут-влакым «Ямде лий» йоча газетыш колтылына. Визымше классыш Балтач районыш коштыкташ тўналыгыч. Шочмо кундемем пеш шерге.

Даша САЙРАНОВА.

Пошкырт, Балтач, Ялангач.

М Мутерым филологий шанче кандидат А.А.ИЛИЕВА ямдылаш полшен.

Тувыржо могай сўрал!

Свердловск кундемын мотор марий ўдыржў Маша Саркеева (**снимкыште**) Йошкар-Олаш икымше гана толын. «Эх, кенез лиеш ыле гын, сўрал марий тувырем чиен, ола мучко коштын савырнем ыле», – шыргыжалын оила ўдыр.

Маша Нижнесергинский район Ялгиян селасе школын 9-ше классшым тунем пытарен. Кажне пайремыш марий вургем дене вашка. Тувырым Лида коваже лўмын урген. Ший окса дене сўрастарыме ўзгарым ышташ Маша полшен.

Е.ИВАНОВА.

Авторын фотожо.



Рома ИШМУРЗИНЫН сўретше.
Татарстан, Агрыз, Буймо.

Чевер мөр

Чевер кенеж.
Йырваш ужарге.
Да каважат ынде кандалге.
Лач кызыт снеге чеверга,
Да мөр йошкаргыш савырна.
Лектым мые сад-пакчаш
Мөрүм ведрашкем погаш.
Ужар шудо коклаште мо
Тыге йошкаргын коеш?
Тиде тамле чевер мөр!
Ты саскалан тый ит өр.
Мөрүм вет чылан палат,
Чылан тудым йоратат.

Оля СТЕПАНОВА.
Морко, Шап Унчо.



Фотом еш архив гыч налме.

Авторын сүретше.



Сылне кенеж пагыт толын шуо.
Йырваш – ужар шудо, пеледыш
пеледеш. Лыжга мардеж пуалеш.
Чевер кече шыргыжеш. Кенежлан
йоча-влак моткоч куаненйт.

Эвелина ВАСИЛЬЕВА.
Волжский, Карай.

Емыжым йоратедат?

Кенеж. Тудо түрлө да тамле пушан.
Йырваш снеге кышкалалтын, йошкаргын
коеш. Погаш кумылет
веле лийже. Таче сне-
гым ятырак погышна.
Мөнгө пörтылмеке,
авам снегым шөр дене
варен пукшыш. Пе-е-
еш тамле ыле!
Йолташ-влак, те сне-
гым йоратедат?

Костя ШЕХУРДИН.
Шернур, Кукнур
Купсола.

*Кече лекташ
тїналме годым
салмаже пыл*

*шенгеке кая – тамле кїдырчан
йїрым вучо.*

Калык пале.

Фотом еш архив гыч налме.



Палаш онгай

- Виноград дене таңастарымаште сне-
гыште железо 40 пачаш шукрыак.
- Фрукт да саска-влак кокла гыч тушто
эн шуко кальций уло.
- Снеге С, В1, В2, РР, А, Е, Ч витамин-влак,
каротин, фолиевый кислоталан, медьлан,
кобальтлан, марганецлан да молыланат
поян.
- Тудо верген пашажым виандат.

Ах, снеге там!

Кызыт ялыште шудым ямдылат, снегым
погат. Мыят снеге дек кумылын коштам. Авам да
акам дене снеге погаш мийышна. Саска вержат
палыме. Торашке ошкылман огыл. Ялысе куэрлаш-
те погышна. Шолдыра да шуко! Ате вашке темеш.
Куанен, мөнгө ошкылна. Таушташат ышна мондо.
Авам вареным шолтыш. Снегын пушыжо-о-о. Муро
гыч корно ушыш толеш: «Ах, снеге там, ах, снеге
там...»

Яна ДМИТРИЕВА.
Морко, Коркатово.

Волгенче геч кузе арадалташ?

- Окнам, омсам петыре. (Incorrect)
- Шкет шогышо пушенге йымак ит шогал. (Incorrect)
- Күртнө арвер-влакым ит кучо. (Incorrect)
- Күкшака вер гыч волен, чока вондер йымалан верлане. (Correct)
- Пасушто тайылаш але лопеш шыл. (Correct)
- Электроприбор-влакым розетке гыч лук. (Incorrect)
- Мотоцикл але велосипед дене улат гыч шогал. (Correct)
- Телефоным йорт. (Incorrect)
- Ит курж. (Incorrect)
- Кугу вольтан антенна йымалне ит шога. (Incorrect)

Изи мүкшиге

Кече чот ырыктыме
годым уремыште эрдене
веле лияш тыршыман.

Шына пурлмо вер
ынже лүгыштө, ынже
коршто да ынже пуал
манын, чеснок полша.
Тидлан ик чеснок пуйым
лаштыртыман, изиш
вудым ешарыман да, лап-
чыкыш пыштен, пурлмо
верым пүтырыман.

Коваште кече дене чот когарген гын,
үмбалым йыгыза.

«Ямде лий» 2020 ий 11 июль

5

Интернет нерген чыла палет мо?



Киберлүдыкшө (угрозо) – мо тиде тугай, кузе тудын деч йочам аралаш? Тидын нерген Морко район Коркатово лицей директорун алмаштышыже, информатике предметым туныктышо А.В.АНИСИМОВ (снимкыште) умылтара:



– Интернет гоч йолташым муаш, тунемаш, түрлө кон-курсыш ушнаш лиеш – тиде сай. Йоча-влак Интернетым пайдам кондышо уверым кычалаш гына кучылтат гын, эшеат сай лиеш ыле.

Но Интернетыште шинчышыла, үдыр-рвезе-влак түрлө сайтышке пурат: соцкыллашке шкенышт нерген моткоч шуко информацийым луктыт. Тидын шотышто эн ончыч ача-ава-влаклан тўткырак лийман. Могай сайтыште шинчат, кө дене кылым кучат, кутырат, көлан серышым возат – палышаш улыда.

Компьютерыш «Родительский контроль» программым шын-даш лиеш. Телефонлан йөршө приложений ятыр уло. Нунымат кучылт кертыда.

Виртуал тўняште ондалка-лыше-влакын тўн аудитори-рийышт – йоча, вет тудо писын ўшаныш пура. Кунам йоча Интернетын энгекым конден кертмыж нерген

шукырак пала, шкенжым арален кертеш. Шарныман: соцкылыш логалше чыла информаций тушан эрелан кодеш, тўткө лийза.

Александр Васильевич деч икмыняр ой-кайаш:

Компьютерыш «шижтарымыж» годым (южгунам «йошкар көгөн» знак лектын кер-теш) ссылке почеш ида кай. Палыдыме ег деч серыш толеш гын, ида поч.

Шке да ешда нерген информацийым возы-ман огыл.

Интернетысе йолташда вашлиймашке ўжеш гын, ида кай.

Телефоныштыда аккаунтым шке ыштыза, паролымаат шке шоныза. Мом компьютер темла, тудым ида нал.

Пароль неле лийшаш (лўм, фамилий, кече-влак ўшанле огытыл). Тудым пел ийлан ик гана вашталтыман.

Телефонда, компьютерда программым уэмдаш йодеш гын, уэмдыза.

Кочмыверыште, уремыште яра wi-fi кылым кучылташ вашкыман огыл. Мошеник-влак паролыдам да тендан нерген уверым пален налын кертыт.

Интернет модыш дене ида мод. Банкысе карт номердам йодыт гын, ида ойло.

Интернетыште улшо чыла информаций-лан ўшанаш огеш лий

Е.ИВАНОВА мутланен.



Кроссворд

Компьютер да «польшкалы-шыже-влак»



Кўшыч ўлыкў:

2. Компьютерыш тўн микросхемыже, «вуйдорыкшо».

4. Жёсткий дискым вес семын кузе маныт? 5. Документ-влакым кагаз лаштыкыш савыктен луктеш. 6. Тудым йўкым колышташ кучылтат. 8. Интернетым чўкташ кучыл-талтше устройство.

Телефон, компьютер кызыт кажне йочан улыт, шонем. Интернетыште кўлешан уверым кычалаш пеш сай. Мый тудым кўлеш семын кучылтам. Интернетын пайдаже шуко.

Юлия УСОВА.

Марий Турек посёлко.

Шола гыч пурлашке:

1. Информацийым текст, таблице, сўрет да т.м. семын кончыктара.
3. Тиде устройство йўкым электротокыш савыра.
7. Компьютерыш ойышым лаштык але слайд гыч пурта.
9. Курсорым виктара.
10. Модаш келыштаралтше манипулятор.

Мутер

Браузер – компьютер дене пайдаланышылан вотресурсым ончаш, сомылым ышташ йўнештарыше программе. Opera, Mozilla Firefox, Google Chrome кумдан палыме улыт.

Домен адрес – латин букван, цифран але вес знак интервотысо компьютерын шкешотан адресше (DNS).

Почто сервер – электрон серышым налаш да колтедылаш йўнештарыше сервер.

Спам – ег дене кутырен келшыде, рекламе сынан увертарымашым электрон почто дене шуко колтылмаш.

Тролли – субъект-влак коклаште конфлик-тым ышташ шонен, провокаций шотан серышым соцкыллаште верандылмаш.



«Ямде лий» 2020 ий 11 июль





Оласе тумлеге

Изи пүкш – тумлеге –
Асфальтыш камвозын...
Мый тудым мумеке
Манам: «Лий тый озым!...»
Тушеч кушшо тумо,
Капкыл ден – Онарын...
Ен-влак моктышт тудым:
«Тумлегыж кунаре!!!»

А.ТИМИРКАЕВ.

Шольым – йолташ

Мыйын Руслан лүман изи шольым уло. Тудлан – 6 ий. Ме Руслан дене сай йолташ улына. Пырля модына, ача-авадан полшена, мөнгысö пашамат пырля ыштена. Тудо воктекем шинчеш да буква-влакым воза. Мый Русланым эре тунуктем.

Илья АНДРЕЕВ.

Кужэгер, Тошто Йүледүр.

Муно «төрштылеш»

Июнъшто «Опыты и эксперименты» районысо конкурс эртаралтын. Мый тушто «Резине муно» опытем дене 1-ше верыш лектынам. Опытлан мо күлеш? Күчымö муно, стакан, 9 процентан уксус. Муным стаканыш пыштенам. Тушко уксусым ешаренам. Муно шүм кальций карбонат гыч шога. Уксус тудым пүтынек шулыктара. Муно йыр резиным ушештарыше лончо налеш. Муно мече гае төрштылаш тўгалеш. Теат ыштен ончыза.

Костя ИВАНОВ.

1-ше номеран Шернур школ.



Войзаш йөрәтем

Мый фотографий-влакым ышташ йөрәтем. Шўжаремым, акамым сылне пўртўс лонгаште войзем. Коклан пий ден пырысымат пеленна налына. Кече шичмым, кас ўжарам, пўя ден энерлам, чодырам, тўрлö кушкылым сниматлаш моткоч келша. Фотографий-влак сайын лектыт, акамын профессионал фотоаппаратше пеш чапле.

Олеся ВОЙКИНА.

Шернур, Эшполдино.

**12 июль –
Фотографын тўнямбал кечыже.**



Сүретым чиялтыза.



**11 июль –
Шоколадын тўнямбал кечыже.**

- Шымлызе-влакын ойышт почеш, шоколадым ик эн пайдале кочкыш радамыш пурташ лиш.
- Тудо кумылым нöлта, шонаш полша. Таклан огыл ойлат: «Шоколадыште пиал гормон уло».
- Шем шоколад артериальный давленийым волта. Пўйым кочкыш деч эрыкта.
- Тўняште эн шергын 100 ий аралалт кийыше «Кэдбери» шоколад батончикым ужаленыт. Тудын акше – 687 доллар (40 тўжем утла).

«Ямде лий» 2020 ий 11 июль



Индекс: П4696.
Тираж 900 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdellii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погым да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.

Номер – ПИ №ФС 18-1999,
2005 ий 10 февральыште пуымо.

0+

Печатыш пуымо жап –
14-00,
фактически – 13-00

Авторын да редакцийын шонымышт тўрлö лийын кертыт. Серыш-влак мөнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалькше урем, 20-шо пöрт.
Тел. 8(8362) 45-22-82(факс)



**Пүртүс
лонташте**

Виктория АЛЕКСЕЕВА.
Звенигово, Кожласола.



Конкурс

**Артём ИВАНОВ ден
Ярослав АБЛИНОВ.**
Морко, Кугу Шале.



Кова ден уныкаже
кевытым каят.
Коваже ойла:
– Ануш, окса
пытен. Тый таче
нимомат ит йод,
йөра.
– Йөра, ковай.
Чи-мо-мат ом йод,
– вшешта Ануш, –
Мом ионет, тудым
мыланем налат.

Кроссворд




Шомак-влакым
марлаш кусарыза.

1. Лопата.
2. Коршун.
3. Подушка.
4. Небо.
5. Лето.
6. Хлеб.
7. Мышь.
8. Муравей.

**Наташа
ЧЕМЕКОВА.**
Советский,
Өрша.

Кельштарыза:




Лыве-влак

Лыве-влак чоҥештат,
Йыр пеледышым кычалыт.
Мый ом пале, мом ышташ?
Лыве кучымым нальым.
Теве икте шыпак лие.
Висвис йыр изин пөрдеш.
Пуал колтыш мардеж вийын,
Лыве чоҥешта уэш.

Н.ИЛЬИНА.
Волжский, Карай.

Шоналтыза, нине сүрет-влакым мо уша?



В.СМИРНОВ
ямдылен.



Ик
шырпе
пырчым
верже
дене
муза.

Мастар кид

